

KJKP "RAD" d.o.o. SARAJEVO

-DIREKTOR-

Broj: 05-03-04- /17

Sarajevo, 10.02.2017. godine

Na osnovu člana 70. i 100. Zakona o javnim nabavkama ("Službeni glasnik BiH", broj 39/14) i člana 40. Statuta KJKP "RAD" d.o.o. Sarajevo, direktor donosi

ODLUKU

o rezultatima okončanog postupka izbora najpovoljnijeg ponuđača za nabavku bagera gusjeničara - kašikara

I

Za najpovoljnijeg ponuđača za nabavku bagera gusjeničara - kašikara, odabiram ponudu firme "TEKNOXGROUP BH" d.o.o. Sarajevo.

II

Ovom odlukom stavlja se van snage Odluka o rezultatima okončanog postupka izbora najpovoljnijeg ponuđača za nabavku bagera gusjeničara – kašikara broj 05-03-04-16535/16 od 26.12.2016. godine, u skladu sa rješenjem Ureda za razmatranje žalbi BiH broj JN2-03-07-1-35-8/16 od 02.02.2017. godine.

OBRAZLOŽENJE

KJKP "RAD" je dana 06.12.2016. godine na Portalu javnih nabavki BiH objavilo Obavještenje o nabavci broj 83-1-1-504-3-113/16 sa objavom kroz otvoreni postupak za izbor najpovoljnijeg ponuđača za nabavku bagera gusjeničara, sa rokom dostave ponuda do 21.12.2016. godine.

Po pokrenutom postupku za nabavku bagera gusjeničara pristigle su dvije (2) ponude i to ponude firmi "TEKNOXGROUP BH" d.o.o. Sarajevo i "TERRA BiH" d.o.o. Sarajevo. Komisija za nabavku u toku provođenja postupka i nakon detaljnog pregleda dostavljene dokumentacije utvrdila je da je ponuda ponuđača "TERRA BiH" d.o.o. Sarajevo neprihvatljiva jer ne zadovoljava tehničke specifikacije tražene Tenderskom dokumentacijom Ugovornog organa te je ista odbačena kao neprihvatljiva.

Obzirom da se radi o otvorenom postupku javne nabavke kojim nije predviđeno zaključivanje okvirnog sporazuma a da je broj prihvatljivih ponuda jedan (1), cijeneći cijene i kretanja na tržištu, Komisija je u skladu sa istim dala prijedlog Ugovornom organu da donese Odluku, po čemu je Ugovorni organ i postupio te donio odluku broj 05-03-04-16535/16 dana 16.12.2016. godine.

Na navedenu odluku ponuđač "TERRA BiH" d.o.o. Sarajevo je izjavio žalbu, koja je zaprimljena dana 03.01.2017. godine te je ista blagovremena, dopuštena i izjavljena od ovlaštenog lica ali neosnovana, te je stoga prosljeđena Uredu za razmatranje žalbi BiH na razmatranje zajedno sa izjašnjenjem na žalbu u kojem je obrazložena neosnovanost navoda žalitelja.

Ured za razmatranje žalbi BiH je Rješenjem broj JN2-03-07-1-35-8/16 od 02.02.2017. godine usvojio žalbu ponuđača "TERRA BiH" od 02.01.2017. godine te poništio odluku o rezultatima okončanog postupka izbora najpovoljnijeg ponuđača broj 05-03-04-16535/16 od 26.12.2016. godine i vratio predmet prvostepenom organu na ponovni postupak.

Gore pomenutim rješenjem se nalaže Ugovornom organu da u ponovnom postupku upotpuni isti na način da detaljno obrazloži i nesporno utvrdi da ponuđena mašina izabranog ponuđača ispunjava uslov iz tačke 3. Tehničke specifikacije. Ugovorni organ, u skladu sa stavovima iz Rješenja Ureda za razmatranje žalbi, ovom odlukom utvrdio da ponuda ponuđača Teknoxgroup BH d.o.o. zadovoljava opšte uslove ponude kao i sve tražene tehničke karakteristike te upotpunjuje predmetni postupak kako slijedi:


Iz kataloga dostavljenog uz ponuđenu mašinu Caterpillar model 320D - 2 L na slikama stranice 17. i 18. nedvojbeno je vidljivo da je ponuđena mašina opremljena vrstom kрана kakav je tražen u ovoj nabavci, da zadovoljava kriterije postavljene u tehničkim karakteristikama, tj. da ponuđena mašina posjeduje kran sa 2 sekcije i to granu za dohvat HD dužine 5,7m i strijelu HD dužine 2,9m i 2,5m prema izboru i potrebi naručioca opreme.

Pored ove vrste kрана u katalogu se još navode podaci za opciju ponuđene mašine kada je opremljena kranom za "super veliki dohvat": grana dužine 8,85m i strijela dužine 6,28m, a što nije predmet ove nabavke te se podaci za ovaj kran nisu uzimali u razmatranje.

U katalogu koji je dostavio ponuđač "TEKNOXGROUP BH" d.o.o. kroz cijeli katalog navode se podaci za **dvosekcionu vrstu kрана** grana za dohvat HD i strijelu HD dužine 2,9m i 2,5m a podaci se mijenjaju samo u promjeni dužine strijele što je jasno prikazano sa podacima u odvojenim kolonama.


U katalogu koji je dostavio ponuđač "TEKNOXGROUP BH" d.o.o. na stranicama 17. "Dimenzije", 18. "Radni opsezi" i 19. "Radna težina i pritisak na tlo" 20.,21. "specifikacija kašike i kompatibilnosti", 22. "Vodič za ponudu priključaka", 23.,24.,25. i 26. "Kapaciteti dizanja HD grane za dohvat", nedvojbeno se vidi da ponuđena mašina ima **dvosekcionu vrstu kрана** koja je zahtjevana i koja odgovara namjeni mašine kao i da zadovoljava tražene tehničke karakteristike. Dok su uporedno na navedenim stranicama u zasebnoj koloni prikazani podaci za granu sa super velikim dohvatom, a potpuno odvojeno su prikazani podaci na stranicama 17., 28., 29. i 30. "Kapaciteti dizanja grane sa super velikim dohvatom".

A.) "Zahtjeva se ovakva vrsta kрана "



(Slika služi samo za pokazivanje Vrste kрана)

B.) "Ne zahtjeva se ovakav kran"



(Slika služi samo za pokazivanje Vrste kрана)

Što se tiče ostalih navoda žalitelja, oni su istim Rješenjem Ureda za razmatranje žalbi BiH ocijenjene kao neosnovani budući da je Ugovorni organ obrazložio sve žalbene navode u Izjašnjenju na žalbu broj 05-03-07-352/17 od 09.01.2017. godine.

Ugovorni organ je postupio u skladu sa Rješenjem Ureda za razmatranje žalbi BiH te poništio Odluku broj 05-03-04-16535/16 od 26.12.2016. godine te je Komisija Ugovornog organa dala prijedlog da se donese nova odluka, u skladu sa stavovima iz Rješenju u skladu sa važećim propisima iz oblasti javnih nabavki te da se ponuda ponuđača "TEKNOXGROUP BH" d.o.o. Sarajevo prihvati kao potpuno prihvatljiva budući da je dokazano da mašina odabranog ponuđača neosporno ispunjava uslove tražene Tehničkom specifikacijom Ugovornog organa.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

**DIREKTOR KJKP „RAD“
Selim Babić dipl.ing.grad**

PRAVNA POUKA:

Protiv ove Odluke može se uložiti žalba Ugovornom organu, odnosno KJKP"RAD", u pisanoj formi u roku od 10 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka.

DOSTAVITI:

- Ponuđačima;
- Direktor;
- Komercijalnoj službi;
- a/a